



## KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: [www.kwp.gov.my](http://www.kwp.gov.my)

# SIARAN MEDIA

## UNTUK LIPUTAN MEDIA MASSA

### WILAYAH PERSEKUTUAN PUTRAJAYA SEKALI LAGI MENJADI LOKASI KONVOI BERBASIKAL WANITA 2018

**PUTRAJAYA, 11 Mac** – YB Datuk Seri Utama Tengku Adnan bin Tengku Mansor, Menteri Wilayah Persekutuan menghadiri program Konvoi Berbasikal Wanita 2018 yang diadakan di Dataran Putrajaya hari ini. YBhg. Datin Seri Utama Anggraini Sentiayaki, isteri kepada Menteri Wilayah Persekutuan turut menyertai 5,000 peserta wanita dengan kayuhan sejauh 10 hingga 25 kilometer sekitar pusat pentadbiran kerajaan persekutuan hari ini.

Program bersempena Sambutan Hari Wanita Sedunia yang disambut pada 8 Mac 2018 lalu ini bertujuan untuk menggalakkan gaya kehidupan yang sihat di kalangan wanita khususnya di Wilayah Persekutuan. Program Konvoi Berbasikal Wanita 2018 ini merupakan anjuran Kementerian Wilayah Persekutuan dan Badan Amal Kasih Ibu Wilayah Persekutuan dengan kerjasama Perbadanan Putrajaya, Yayasan Kesejahteraan Bandar dan Biro Sukan UMNO Putrajaya.

Konvoi Berbasikal Wanita 2018 yang menggunakan tagline *#inilahkuasawanita* turut mendapat penyertaan daripada beberapa selebriti wanita tanah air seperti Farah Wahida, Datin Alyah, Amber Chia, Maria Tengku Sabri, Hasnida Hanim, Maznah Zolkifli, Sharifah Haslinda, Adeline Anthony, Nisdawati dan Nadia Brian. Bagi memvibrant dan menceriakan lagi suasana program konvoi ini, ia juga turut disertai oleh

peserta dari luar negara seperti negara dari Australia, Indonesia, Thailand dan Singapura.

Keadaan infrastruktur yang kondusif dan fasiliti yang lengkap menjadi sebab utama Wilayah Persekutuan Putrajaya sekali lagi menjadi pilihan lokasi penganjuran. Tambahan juga, persekitaran yang mesra alam dan mesra pengguna, ia memberikan jaminan dari segi aspek keselamatan dan secara tidak langsung dapat mengurangkan risiko kemalangan di kalangan pengemar sukan berbasikal ini.

Perbadanan Putrajaya menyediakan sembilan (9) laluan basikal dan empat (4) laluan *Architecture Trail* bagi menarik orang ramai dan pelancong untuk melakukan aktiviti riadah di pusat pentadbiran kerajaan ini. Laluan yang terbahagi kepada tiga kategori iaitu mudah, sederhana dan mencabar, melalui beberapa kawasan menarik di sekitar Putrajaya. Selain dapat memperbaiki tahap kesihatan diri, aktiviti berbasikal ini sangat menyeronokkan dan mampu mengeratkan ikatan kekeluargaan serta persahabatan.

Kementerian Wilayah Persekutuan berharap melalui penganjuran program riadah seperti ini, ia dapat memupuk semangat kesukunan di kalangan orang ramai. Aktiviti berbasikal ini juga merupakan satu gaya hidup yang sihat.

**Disediakan Oleh:**

**Bahagian Komunikasi Korporat  
Kementerian Wilayah Persekutuan  
Kuala Lumpur  
9 Mac 2018**